

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA
Z E N I C A
Broj: T04 0 KTD 0057239 24
Zenica, 22.05.2025. godine

OPĆINSKOM SUDU U ZENICI
- Sudiji za prethodno saslušanje -
Z E N I C A

Na osnovu člana 45. stav 2. tačka i), te člana 241. stav 1. Zakona o krivičnom postupku Federacije Bosne i Hercegovine, p o d i ž e m o

O P T U Ž N I C U

Protiv: H. E., zvan i „E.“ i „D.“, osuđivan presudom Općinskog suda Velika Gorica broj: ... od 24.01.2006. godine za krivično djelo iz člana 216. stav 1. KZ RH, na kaznu zatvora u trajanju od šest mjeseci, uslovno dvije godine, presudom Općinskog suda u Zenici broj: ... od 04.09.2007. godine za krivično djelo iz člana 290. stav 1. KZ F BiH, na kaznu zatvora u trajanju od dva mjeseca, uslovno jedna godina, presudom Općinskog suda u Zenici broj: ... od 26.11.2008. godine za krivično djelo iz člana 287. stav 1. tačka a) u vezi sa članom 55. i 31. KZ F BiH, na kaznu zatvora u trajanju od dvije godine, presudom Općinskog suda u Žepču broj: ... od 18.09.2010. godine za krivično djelo iz člana 287. stav 1. u vezi sa članom 28. i člana 371. stav 1. KZ F BiH na kaznu zatvora u trajanju od jedne godine, uslovno dvije godine, presudom Općinskog suda u Zenici broj: ... od 02.03.2011. godine za krivično djelo iz člana 294. stav 1. KZ F BiH na kaznu zatvora u trajanju od šest mjeseci, uslovno tri godine, presudom Općinskog suda u Zenici broj: ... od 24.07.2014. godine za krivično djelo iz člana 183. stav 3. u sticaju sa krivičnim djelom iz člana 173. stav 1. i člana 239. stav 3. KZ F BiH na kaznu zatvora u trajanju od jedne godine i pet mjeseci, uslovno četiri godine, presudom Općinskog suda u Žepču broj: ... od 13.04.2015. godine za krivično djelo iz člana 286. stav 1. u vezi sa članom 31. i 55. KZ F BiH na kaznu zatvora u trajanju od dva mjeseca, uslovno jedna godina, presudom Općinskog suda u Žepču broj: ... od 22.12.2017. godine za krivično djelo iz člana 332. stav 3. u vezi sa stavom 1. KZ F BiH, oslobođen od kazne,

što je:

1.dana 27.01.2024. godine, oko 23,00 sati, u Zenici, u porodičnoj kući koja se nalazi u N., ..., nasiljem prema drugom, naročito drskim i bezobzirnim ponašanjem ugrozio građanski mir K. K. i prisutnih lica u kući mldb. kćerke (rođena ...), mldb. sina ... (rođen ...), te majke H. S., na način da je konzumirajući alkohol sa K. K., nakon međusobne rasprave sa K., istom rekao: “Saću te zaklati”, na što mu je K. odgovorio: “Pa, hajde”, nakon čega je sa stola koji se nalazio ispred njih, uzeo nož-manju preklopnu čakiju i fizički nasrnuo na K., na način da je zubima otklopio čakiju, te istom zamahnuo prema vratu K. i parnuo ga po vratu vrhom oštrice noža, ostavljajući trag „masnicu” na vratu K., iako je bio svjestan da na ovakav način ugrožava građanski mir prisutnih lica, to i htio, nakon čega je njegova kćer mldb. ... uspjela istom da otrgne čakiju iz ruke i pozove u pomoć policijske službenike PS N.,

dakle, nasiljem prema drugom, te naročito drskim i bezobzirnim ponašanjem ugrozio građanski mir,

2.dana 27.01.2024. godine, oko 23,00 sati, u Zenici, u porodičnoj kući koja se nalazi u N., ..., nasiljem, drskim i bezobzirnim ponašanjem ugrozio mir, tjelesnu cjelovitost i psihičko zdravlje članova svoje porodice-mldb. kćerke ... (rođena ...) i mldb. sina ... (rođen ...), te majke H. S., sa kojima živi u zajedničkom domaćinstvu, na način da je, a nakon što je fizički nasrnuo na K. K. u njihovom prisustvu, njegova mldb. kćerka ... braneći K. K. i pokušavajući da oduzme nož-manju preklopnu čakiju od istog, posjekao mldb. ... u predio lijeve ruke nanoseći istoj laku tjelesnu povredu u vidu rezne rane dlana lijeve ruke, nakon čega su i mldb. sin ... i majka H. S., pokušali zajedno smiriti E., nakon čega im je zaprijetio da će ih sve ubiti, psovao im majku i Boga, iako je znao i bio svjestan da fizičkim napadom, vikom, galamom i prijetnjama ugrožava spokojstvo, tjelesni integritet i duševno zdravlje članova svoje porodice-kćerke, sina i majke s kojim živi u zajedničkom domaćinstvu, što je i htio, zbog čega je mldb. kćerka ... pozvala u pomoć policijske službenike PS N.,

dakle, nasiljem, bezobzirnim i drskim ponašanjem ugrozio mir, tjelesnu cjelovitost i psihičko zdravlje članova svoje porodice, kćerke, sina i majke, s kojim živi u zajedničkom domaćinstvu,

čime je u stjecaju počinio:

- pod tačkom 1. krivično djelo Nasilničko ponašanje iz člana 362. stav 1. KZ F BiH, a
- pod tačkom 2. Krivično djelo Nasilje u porodici iz člana 222. stav 4., u vezi sa stavom 1. i 2. KZ F BiH i krivično djelo Lahka tjelesna ozljeda iz člana 173. stav 1. KZ F BiH, a sve u vezi sa članom 54. KZ F BiH.